

Ո Ր Ո Շ ՈՒ Մ թիվ- 291
վարչական տույժ նշանակելու մասին

«25» հուլիսի 2022թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով «Արամիտ» ՍՊ ընկերության տնօրեն՝ Գելա Քվելաձեի վերաբերյալ նյութերը.

Պ Ա Ր Զ Ե Ց Ի՝

ՀՀ ՊԵԿ հետքացթողումային հսկողության վարչության աշխատակիցները իրականացրել են արտագնա մաքսային ստուգում «Արամիտ» ՍՊ ընկերությունում, որի արդյունքում պարզվել է, որ «Արամիտ» ՍՊ ընկերության անվամբ 07.01.2022 թվականի թիվ 05100010/070122/0000599 ապրանքների հայտարարագրով Վրաստանի «ESKADRA» LLC ընկերությունից Հայաստանի Հանրապետության տարածք է ներմուծվել մի շարք ապրանքներ, որոնց ընդհանուր քաշը հայտարարագրվել է 12552 կգ, նետոտո քաշը՝ 9119 կգ, հաշիվ-ապրանքագրային արժեքը կազմում է 24365,8 ԱՄՆ դոլար/CPT Yerevan առաքման պայմանով/, մաքսային արժեքը՝ 11 757 717 դրամ, սակայն հաշիվ-ապրանքագրային արժեքը կազմում է 31724,9 ԱՄՆ դոլար/CPT Yerevan առաքման պայմանով/:

Իրականացված արտագնա մաքսային ստուգման արդյունքում 21.06.2022թ. կազմվել է թիվ 0037-Ա ստուգման ակտը և «Արամիտ» ՍՊ ընկերությանը առաջարկվել է կատարել վերահայտարարագրում ճշգրտված մաքսային արժեքներին համապատասխան՝ վճարելով պակաս վճարված մաքսային վճարները և տույժերը: Արտագնա մաքսային ստուգման նյութերն ուղարկվել են ՀՀ ՊԵԿ իրավաբանական վարչություն մաքսային կանոնների խախտման հատկանիշների հարցը պարզելու համար:

Համաձայն թիվ N 0037-Ա ստուգման ակտի, մաքսային ստուգման ժամանակ իրականացվել է Վրաստանի մաքսային մարմնից ստացված տեղեկության թարգմանություն, որի հիման վրա բեռնափոխադրող տրանսպորտային միջոցի և քարշակի պետհամարանիշներին և բեռնագրերին համապատասխան, իրականացվել է «Արամիտ» ՍՊ ընկերության կողմից վերը նշված ապրանքների հայտարարագրով հայտարարագրված տեղեկությունների, փաստաթղթերի համադրում և նույնականացում Վրաստանի մաքսային մարմիններից ստացված տեղեկության և փաստաթղթերի հետ, համադրվել են ապրանքային նկարագրությունները, քանակությունները: Արդյունքում պարզվել է, որ տրանսպորտային միջոցի և քարշակի պետհամարանիշները, հայտարարագրված ապրանքների նկարագրությունները և քանակությունները ամբողջությամբ համապատասխանում են տեղեկությամբ ստացված և հայտարարագրված տվյալների հետ, իսկ հաշիվ-ապրանքագրային արժեքների մասով կան հետևյալ անհամապատասխանությունները՝ 05100010/070122/0000599 ապրանքների հայտարարագրով հայտարարագրված արժեքը կազմում է՝ 24365,8 ԱՄՆ դոլար/CPT Yerevan առաքման պայմանով/: Տեղեկությամբ ստացված հաշիվ-ապրանքագրային արժեքը՝ 31724,9 ԱՄՆ դոլար/CPT Yerevan առաքման պայմանով/:

Նյութերի ուսումնասիրման արդյունքում պարզվել է, որ թիվ 05100010/070122/000059Ն ապրանքների հայտարարագիրը լրացվել է «Արամիտ» ՍՊ ընկերության կողմից ապրանքների վերաբերյալ ոչ ճշգրիտ տեղեկությունների հիման վրա:

2022 թվականի հունիսի 6-ին «Արամիտ» ՍՊ ընկերության կողմից ապրանքի հաշիվ-ապրանքագրային արժեքի, հետևաբար նաև մաքսային արժեքի վերաբերյալ ոչ ճշգրիտ տեղեկություններ ներկայացնելու փաստի կապակցությամբ ՀՀ ՊԵԿ իրավաբանական վարչությունում «Արամիտ» ՍՊ ընկերության տնօրեն՝ Գելա Քվելաձեի նկատմամբ ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է վերջինիս:

«Արամիտ» ՍՊ ընկերության տնօրեն՝ Գելա Քվելաձեն ծանուցվել է վարչական վարույթի մասնակցության մասին, սակայն չի ներկայացել և որևէ առարկություն չի ներկայացրել:

ԵԱՏՄ մաքսային օրենսգրքի (այսուհետ՝ Օրենսգիրք) 2-րդ հոդվածի 32-րդ կետի համաձայն՝ «մաքսային հայտարարագիրը» մաքսային փաստաթուղթ է, որը պարունակում է տեղեկություններ ապրանքների վերաբերյալ կամ ապրանքների բացթողման համար անհրաժեշտ այլ տեղեկություններ, իսկ 35-րդ կետի համաձայն՝ մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: ԵԱՏՄ մաքսային օրենսգրքի 105-րդ հոդվածի համաձայն՝ մաքսային ընթացակարգերով ձևակերպելիս, բացառությամբ «մաքսային տարանցում» մաքսային ընթացակարգի, մաքսային մարմին է ներկայացվում ապրանքների մասին հայտարարագիր: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: 106-րդ հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ ապրանքների մասին, որոնց մեջ ի թիվս այլոց նշվում է գինը, քանակը՝ արտահայտված կիլոգրամներով (համաքաշը և զտաքաշը) և չափման լրացուցիչ միավորներով, ապրանքների մաքսային արժեքը (մեծությունը, ապրանքների մաքսային արժեքը սահմանելու մեթոդը), վիճակագրական արժեքը:

Օրենսգրքի 84-րդ հոդվածի 3-րդ կետի համաձայն՝ հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու համար:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

Մաքսային կանոնների խախտումների վերաբերյալ վարույթի շրջանակում հաստատվել է այն հանգամանքը, որ նշված ապրանքները հայտարարագրվել են ապրանքի հաշիվ-ապրանքագրային արժեքի, ինչպես նաև մաքսային արժեքի վերաբերյալ ոչ ճշգրիտ տեղեկություններով «Արամիտ» ՍՊ ընկերության կողմից տրամադրված փաստաթղթերի և տեղեկությունների հիման վրա:

«Արամիտ» ՍՊ ընկերության տնօրեն՝ Գելա Քվելաձեն 2022 թվականի հուլիսի 25-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ, սակայն չի ներկայացել:

Այսպիսով, գործի նյութերով պարզվել է, որ թիվ 05100010/070122/0000599 ապրանքների հայտարարագրով ՀՀ տարածք ներմուծված ապրանքները հայտարարագրվել են «Արամիտ» ՍՊ ընկերության կողմից տրամադրված ապրանքի հաշիվ-ապրանքագրային արժեքի, հետևաբար նաև մաքսային արժեքի վերաբերյալ ոչ ճշգրիտ տեղեկություններով, ինչի հետևանքով առաջացել են 1 134 622 ՀՀ դրամի չափով պակաս հաշվարկված մաքսային վճարներ, այսինքն՝ «Արամիտ» ՍՊ ընկերության տնօրեն՝ Գելա Քվելաձեն թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, ինչը հիմնավորվում է ՀՀ ՊԵԿ հետբացթողումային հսկողության վարչության 21.06.2022 թվականի թիվ 0037-Ո-1 որոշմամբ, ՀՀ ՊԵԿ հետբացթողումային հսկողության վարչության 21.06.2022 թվականի թիվ 0037-Ա արտագնա մաքսային ստուգման ակտով և թիվ 05100010/070122/0000599 ապրանքների հայտարարագրով:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ և 221-րդ հոդվածներով,

Ո Ր Ո Շ Ե Ց Ի՝

1. «Արամիտ» ՍՊ ընկերության տնօրեն՝ Գելա Քվելաձեին /անձնագիր՝ 18AB32227/ ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան տուգանել պակաս վճարված մաքսային վճարների 50 տոկոսի չափով 567 311 ՀՀ դրամ: /900005024055 (կող-19) հաշվեհամարին/

2. Որոշման մասին հայտնել Գ.Քվելաձեին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ այն կայացնելուց հետո 10 օրվա ընթացքում կամ վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ